


GO BA MONG WA KGORO YA LENABA KA MORAGO GA TEKO

 Ke makala gore . . . Le a tseba, ke na le kgopolo ye nnyane, go swana le, go bona batho ba emelela ge re bala Lentšu. A ga le rate seo? Re a emelela go tšea keno, re emela setšhaba sa gešu, ke ka baka la eng re sa emele Lentšu bjale?

² Re sa emeletše motsotso feela. Ke be ke bala sengwalwa, e sego kgale go fetile, gomme ke be ke nagana bošego bja go feta ka batho bao ba ilego ba emela Kriste. Ge o se wa ke wa e dira, a o ka se e dire lehono?

³ Fao go be go na le moebangedi yo mogolo, e ka ba ye masomešupa tlhano mengwaga ya go feta, ke no se kgone go nagana leina la gagwe. Ke nagana gore e be e le Arthur McCoy, gomme o be a putlagantše naga. Gomme bošego bjo bongwe o ile a lora a ile Letagong. Gomme o boletše gore o ile a ya godimo Kgorong, gomme o boletše gore ga se ba ke ba mo dumelela go tsena ka gare. Gomme o boletše gore o ile a re, “Ke nna Arthur McCoy go tšwa United States. Ke nna moebangedi.”

⁴ Ka fao moletakgoro a ya ka gare, (bjale ye e be e le toro), gomme a ya ka gare, a re, “Ga ke kgone go hwetša leina la gago le gatee.”

A re, “Go lokile, ke be ke le moebangedi.”

A re, “Mohlomphegi, ke . . .”

⁵ A re, “Go lokile, a go na le sebaka gore . . . Fao go na le selo se sengwe se se fošagetšego.”

⁶ A re, “Aowa, mohlomphegi. Ke na le Puku fa. Ga ke kgone go hwetša leina la gago le gatee.”

Gomme a re, “Go lokile, a nka kgona go dira eng kapa eng ka yona?”

⁷ A re, “O ka no aphila molato wa gago go Terone ye Tšhweu ya Kahlolo.” Modimo, thuša. Ga ke nyake go ba fao.

⁸ A re, “Go lokile, ge yeo e le yona kholofelo ya ka e nnoši, ke a thanka ke no aphila molato wa ka gona.”

⁹ Gomme a re nako ye o ile a gopola gore o ile a ya tsela go tloga, gomme feela . . . Gomme ge a thoma, a re e be e le leswiswi, gomme gwa thoma go etšafalaetšafala le go etšafalaetšafala, gomme a re go be go bonala bjalo ka ge e ke fao go be go se lefelo le le itšego fao Seetša se sa go ema, eupša o be a le thwi bogareng bja Sona. Gomme a re O ile a re, “Ke mang yo a batamelago Terone ya Ka ya Kahlolo?”

10 A re, “Ke nna Arthur McCoy. Ke nna moebangedi, ke rometše disoulo tše ntši Mmušong.”

A re, “A leina la gago ga se la hwetšwa Pukung?”

“Aowa.”

A re, “Ka gona o aphetše go Kgorotsheko ya Ka?”

“Eye, mohlomphegi.”

11 “O tla amogela toko. Ke go ahlola ka melao ya Ka. Arthur McCoy, a o kile wa bolela maaka?”

12 A re, “Ke be ke gopola gore ke be ke le monna yo mobotse wa go loka go fihla ke eme ka Seetšeng sela.” A re, “Eupša ka Bogoneng bja Seetša sela, ke be ke le modiradibe.” Ka moka re tla ba seo. O ka no kwa o bolokegile bjale, eupša leta go fihla o etla Fao. O nagana gore e kwala bjang fa ge A tlotša? Ka fao o kwago o le yo monnyane! E tla ba bjang Teroneng yela ye Tšhweu ya Kahlolo?

A re, “A o kile wa bolela maaka?”

13 A re, “Ke be ke gopola ke be ke le wa therešo, eupša dilo tše di itšego tše nnyane tše ke bego ke gopola gore e be e le maaka a mannyane a mašweu, a ba a magolo gomme a maso Kua.”

A re, “Eye, mohlomphegi, ke boletše maaka.”

A re, “A o kile wa utswa?”

14 A re, “Ke be ke gopola ke be ke botega ka yona, gomme ga se ka ke ka utswa,” eupša a re, “ka Bogoneng bja Seetša sela, ke—ke ile ka lemoga gore fao go bile dikwano tše ke ilego ka di goga, tšeo di bego di no ba di se tša loka.”

A re, “Eye, mohlomphegi, ke ile ka utswa.”

A re, “Kahlolo ya Ka . . .”

15 Gomme o be a loketše go kwa sekwebo, “Tloga o ye mollong wa ka gosafelego wo o lokišeditšwego diabolo le barongwa ba gagwe,” a re lerapo le lengwe le le lengwe le be le arogana.

16 A re, “Ke ile ka kwa Lentšu le le bosebose le nkilego ka le kwa bophelong bja ka.” A re, “Ge ke retologa go lebelela, ka bona sefahlego se se bosebose se nkilego ka se bona; se se bosebose go feta sefahlego sa mme, lentšu le le bosebose go feta ka fao mme wa ka a kilego a mpitša.” A re, “Ke ile ka lebelela go dikologa. Ka kwa Lentšu, le re, ‘Tate, seo ke therešo, o ile a bolela maaka gomme o be a no se botege. Eupša, tlase lefaseng o Nkemetše,’ a re, ‘bjale Ke tla ema lefelong la gagwe.’”

17 Seo ke se ke nyakago se direga Kua. Ke nyaka go Mo emela bjale, gore, ge nako yeo e etla, O eme ka lefelong la ka.

18 A re baleng go tšwa go Genesi 22:15, 16, 17 le 18 ditemana.

Gomme morongwa wa MORENA a bitša Abraham go tšwa legodimong lekga le bobedi.

Gomme a re, Ke enne ka Nna mong, go rialo MORENA, gore ka baka la gore o dirile selo se, gomme ga se wa ka wa tsebafa ka morwa wa gago, morwa wa gago a nnoši:

Gore ka go šegofatšeng Ke tla go šegofatša, . . . go atišeng Ke tla atiša peu ya gago bjalo ka dinaledi tša legodimo, le bjalo ka lešabašaba leo le lego lešing la lewatle; gomme peu ya gago e tla ba mong wa kgoro ya lenaba la yona;

Gomme ditšhaba ka moka tša lefase di tla šegofatšwa ka peu ya gago; ka baka la gore o obametše lentšu la ka.

A re rapeleng.

19 Tate wa Legodimong, tšea tema bjale, Morena, gomme direla go rena. A nke Moya wo Mokgethwa o rwale Mantšu, Morena, thwi go ya pelong ye nngwe le ye nngwe. Gore e gahlanetše ditetelo tša rena ka morago ga sekgalela mo, ka gore ke tše kgolo, Morena. Gomme O re boditše gore re kgopela ka botlalo, gore thabo ya rena e tlale. Re e kgopela go la Jesu Leina. Amene.

Le ka dula.

20 Ge nka bitša se go ba thuto, dinako di se kae. Lentšu la ka le a fokola, ka fao ke ka lebaka le ke swanelwago ke go ema kgauswi le maekrofoune. Ke a tseba go na le mmalewaneng, eupša re tla o kgotlelela gannyane. Ke rata go e bitša: *Go Ba Mong Wa Kgoro Ya Lenaba Ka Morago Ga Teko.*

21 Lefelo la rena la tiragalo le bulega go le letee la a mabotse kudukudukudu mafelo a tiragalo ka go Abraham. Le a tseba gore Abraham ke tatago ba ba tshephegago. Gomme tshephišo e ile ya dirwa go Abraham. Gomme feela re le bajabohwa le yena, ka Kriste, ke tsela e nnoši ye re amogelago tshephišo, ka Abraham. Bjale, Abraham e be e no ba monna wa go tlwaelega, eupša o ile a bitšwa ke Modimo gomme o ile a tshephegalla pitšo yeo. Ge Modimo a be a bolela le yena, Abraham ga se a ke le nako e tee a kamaka Lentšu leo. O ile a dula thwi le Lona. Go sa tshwenye gore le be le le bothata, o ile a dula thwi le Lona.

22 Gomme ka gona o ile a tshephišwa morwa. Gomme o ile a leta mengwaga ye masomepedi tlhano go amogela morwa yoo, a bitša se sengwe le se sengwe kgahlanong le yona mo o ka rego e be e se bjalo. Gomme ka gona, gomme ka gona morwa yo, ka moka meloko ya lefase e be e tlile go šegofatšwa. Gomme mopatriaka o be a tshephagalla pitšo ya gagwe le Lentšu le le tshephišitšwego.

23 O be a le mohlala wa se re swanetšego go ba sona. Bjale rena, ge re hwile ka go Kriste, re Peu ya Abraham.

24 Bjale, fao go be go le peu tše pedi tša Abraham. Ye tee ya tšona e be e le peu ya tlhago; ye nngwe e be e le Peu ya semoya. Ye tee ya tšona e be e le ya tlhago, ka nama ya gagwe; ye nngwe e be e le Peu ya tumelo ya gagwe, tumelo, gore le rena re be Peu ya Abraham ka Lentšu le le tshephišitšwego.

25 Gomme bjale ka morago ga ge a lekilwe mengwaga ye metelele ye masomepedi tlhano, gomme, go na le gore a be mofokodifokodi, o ile a golela go ba yo maatlamaatla. Le a bona, ge e se ya direga ngwaga wa mathomo, ngwaga wo o latelago e be e tla ba mohlolo wo mogologolo, ka baka la gore e be e tla ba mengwaga ye mebedi ka bokgale. Gomme o ile a hlatlaganyetša mengwaga yeo godimo, ge a e ba motšofaditšofadi, gomme mmele wa gagwe o ehwa. Dipopelo tša Sarah, popelo, goba (e ile) ya se be le go nona. Gomme ka fao maatla a gagwe a be a ile, gomme fao go be go le . . . Go be go sa kgonege ka go felela.

26 A le kile la nagana seo Modimo a se dirilego kua? Le a bona, Yena ga se a no dira go fetiša gore popelo ya gagwe e none. Ka fao, elelwang, ge A dirile seo, ka gona elelwang ge A dirile seo. . . ba be ba se na le mabotlelo a a pholo le maphelo, matšatšing ao, go fa ngwana, maswi go tšwa kgomong. Le a bona? Gape O be a swanetše go. . . Ditšhika tša gagwe tša maswi di be di omile. Ka fao O—O be a sa kgone go ba . . . Go be go swanetše go ba le selo se sengwe se se diregago.

27 Ka gona, lebelela mosadi, mengwaga ye lekgolo ka bokgale, go ka ya ka lešokong. Pelo ya gagwe e be e ka se le kgotlelele. Ke mo go thata bjale go mosadi, wa mengwaga ye masomenne ka bokgale, go e dira. Pelo ya gagwe e be e ka se le kgotlelele. Ka fao a le tseba se A se dirilego? Ge le ka ela tlhoko. . .

28 Bjale ke a tseba ba bantši ba ka no se dumele. Ge se ka moka se le gabotse go dira setatamente se? Le a bona, ke. . . E tla no ba monagano wa ka mong.

29 Le a bona, Beibele ke Puku ya ka godimo ga tlhago. E ngwadilwe ka mokgwa wo e lego gore e utagaletše dikolo, moithutabomodimo. Ke ba bakae ba ba tsebagao seo? Jesu o ile a leboga Modimo. A re, “Ke a Go leboga, Tate, O E utetše ba bohlale le ba tilhaologanyo, gomme o E utolotše go masea ba ba tlogo go ithuta.” Ke Puku ya lerato. Ge lerato la Modimo le etla ka pelong, gona o ratana le Modimo, ka gona O utolla Boyena, sebolelwa ke Beibele. Tlhathollo ya Beibele ke Modimo ka Boyena a hlatholla ditshephišo tša Gagwe. Eupša, Beibele, E ngwadilwe magareng ga mothaladi.

30 Bjale, go swana le mosadi wa ka, oo, ke mosadi wa go makatša kudukudukudu lefaseng ka moka, gomme ka nnete ke a mo rata. O a nthata. Ka fao ge ke tlogile gae, o tla nngwalela lengwalo, a re, “Moratiwa Bill, bošegong bjo ke no robotšša

bona. Ke hlatswitše lehono,” le ka moka tše a di dirilego, le go ya pele. Bjale o bolela seo lengwalong. Eupša, le a bona, ke mo rata kudu, gomme re ba batee kudu, go fihla ke—ke kgona go bala magareng ga methaladi. Ke tseba se a nyakago go se bolela, le a bona, ge e ba o mpotša seo goba aowa, le a bona. Ke—ke tseba se a se rago, ka baka la gore ke lerato la ka go yena, le kwišišo ya ka.

³¹ Go lokile, yeo ke ka tsela ye Beibele e ngwadilwego. Le a bona? Thu—thušo ya mašelang a thuto e tla ya go feta ka godimo; ba ka seke ba be ba a hwetša. Le a bona, o swanetše go ratana le Lentšu, Yena, “go tseba Yena.” Le a bona?

³² Bjale, bjale ka fa, hlokomela se A se dirilego. Bjale Abraham le Sarah mmogo ba be ba tšofetše, “ba fedile kudu,” Beibele e boletše. Bjale e be e no se be gore ka baka la gore e be e no ba batho ba phetše boteleletelele fao. Beibele e boletše gore, “Ba be ba fedile kudu ka mengwaga.”

³³ Bjale ela hloko, ka pela ka morago ga ge Morongwa yo a tšweletše, re be re bolela ka yena; e lego Elohim, Modimo. Gomme O rile, o boditše Abraham, “Ke ya go go etela go ya ka nako ya bophelo.” Bjale hlokomelang ka moka tlase go kgabola, ba be ba le seswantšho sa Kereke, tsela ka moka go kgabola.

³⁴ Bjale lebelelang. Sese se se diregilego. Bjale, Ga se a ke a tšhesa Sarah, a tšhesa Abraham. O ba bušeditše morago go monna yo moswa le mosadi. Bjale seo se ka bonala se se sa tlwaelega, eupša bjale hlokomela Lentšu lohle, gomme le bee mmogo. Lentšu le šušumeditšwe, gomme o swanetše go šušumetšwa le Lentšu. Bjale, elelwang, ka pela ka morago ga fao, ka pela ka morago ga go tšwelela ga Morongwa woo . . .

³⁵ Ke no kgona go bona woo, moriri wo mosehla wa Sarah, mokgekolo yo monnyane ka šolo godimo ga legetla la gagwe, le kefena ye nnyane ya lerole, a swere lehlotlo, a eya go dikologa. “Nna, ka ba le go ngwayangwaetšega le morena wa ka, gomme a tšofetše, le yena?” Le a bona? Gomme fa go be go na le Abraham, maledu a matelele a, a swere lepara, bjalo ka ge a be, a fedile kudu ka mengwaga.

³⁶ Gomme ke a bona, mosong wo o latelago, magetla a gagwe a thoma go otlogoga, lehutla la tloga ka morago ga gagwe. Moriri wa gagwe wa thoma go fetoga. Ba ya morago go monna yo moswa le mosadi. Go no laetša se A yago go se dira go Peu ya Bogoši ya Abraham, le a bona, ge re “fetolwa ka nakwana, ka panya ya leihlo, gomme re tšeelwa mmogo.”

³⁷ Hlokomela se se diregilego. Bjale a ke netefatše se go lena. Bjale ba ile ba tšea leeto go tloga lefelong le ba bego ba le go lona, kua Gomora; gomme ba ya tsela Gerare, tlase nageng ya Bafilisita. A le ile la ela hloko? E swae mo mmepeng, ka fao e lego kgole ka gona. E tloge e le leeto go batšofadi ba babedi ba mengwaga yeo.

38 Gomme ka gona, ntle le seo, ka—ka nageng ya Bafilisita kua, fao go be go le kgoši ya moswa ka leina la Abimeleke, gomme o be a nyaka mosadi. Gomme o be a na le ka moka basetsana bao ba ba botse ba Bafilisita, eupša ge a bone makgolo, o rile, “Ke yo mo botse ge o mo lebeletše,” gomme a mo rata gomme a nyaka go mo nyala. Seo ke therešo. Uh-huh. Le a bona, e be e le yo mobotse. Le a bona?

39 O be a boetše morago go ba mosadi yo moswa. Elang hloko, o be a swanetše, gore a tliše ngwana yo. Modimo o ile a mo dira sebopiwa se seswa. Gomme o be a swanetše, go godiša ngwana. Gomme elelwang, Abraham, “mmele wa gagwe o be o le bjalo ka mohu,” gomme Sarah a hwa ge Abraham a be a le. . . Isaka o be a na le mengwaga ye masomenne tlhano ka bokgale, ke a dumela, ge Sarah a ehwa. Gomme Abraham a nyala mosadi yo mongwe gomme a ba le barwa ba šupa ntle le barwedi, ka morago ga fao. Amene.

40 Le a bona, balang magareng ga methaladi. Ke seswantšho. Se laetša fao seo A yago go dira ka moka go Bana ba Abraham. Feela re a se batamela thwi bjale, ka fao magetla a rena a go kobega le se sengwe le se sengwe ga a dire phapano ye e itšego, bagwera. Gomme meriri ya rena ye mesehla le ge e ka ba eng kapa eng e lego yona, ga e tshwenye bjale. Ga re lebelele morago. A re lebeleleng pele go seo re tlogo go sona.

41 Gomme elelwang, leswao le re le bonago, e bile leswao la mafelele leo Abraham le Sarah wa gagwe ba go le bona, pele ga ge morwa yo a tshephišitšwego a etla go phela. Re a dumela re mo iring yeo.

42 Mopatriaka, ka morago ga ge mošemane yo a tswetšwe. . . A o ka kgona go eleletša Isaka, a ka ba mengwaga ye lesomepedi ka bokgale; wa go ratega yo monnyane, mošemane wa meriri ya dikhele, mahlo a mannyane a maporawene? Ke eleletša ka fao mme wola a bego a ikwa ka wona; mosadi yo mobotse yo moswa, gomme ka fao, le tatagwe. Gomme letšatši le lengwe, Modimo a re, bjale, mohlala; re tšwele tseleng, iri e tlile go tla. “Ke go dirile tatago ditšhaba, ka mošemane yo, eupša Ke nyaka gore o tšeele mošemane yo godimo ntlhoreng ya thaba ye Ke tlogo go go laetša yona, gomme Ke go nyaka gore o mmolaele godimo kua, bjalo ka sehlabelo.” A o ka kgona go eleletša seo?

43 Bjale ga se wa ke wa kgopelwa go ya go dira moleko wa go swana le woo. Ga a se dire seo bjale. Woo e be e le mehlala, merithi.

44 Na Abraham o ile a boifa? Aowa, mohlomphegi. Abraham o boletše se, “Ke kgodišegile ka botlalo gore O a kgona go mo tsoša go tšwa bahung, ka gore ke mo amogetše bjalo ka yo motee yo a tšwago bahung. Gomme ge molao woo wa Modimo o mpoeditše gore ke dire se, gomme ke dutše ke le wa therešo

go wona, gomme e ile ya lefa, ge a mphile morwa; Modimo o a kgona go mo tsoša go tšwa bahung; go tšwa fao ke mo amogetšego gona, bjalo ka seswantšho.”

⁴⁵ Oo, nna, mogwera! Ge Modimo a le fa Moya wo Mokgethwa lena Mapentecost, go bolela ka maleme, ke ga kaakang go fetiša fao le swanetšego go dumela maatla a Gagwe a go fodiša, le botho le kgaogelo ya Gagwe! Ge A dirile seo, kgahlanong le ka moka baithutamodimo ka nageng! Ba rile e be e ka se kgone go dirwa, eupša Modimo o e dirile ka baka la gore O be a e tshephišitše. Ka gona ema kgauswi le Sethunya sa gago, Lentšu la gago, Tšhoša ya gago, dumela Lentšu la Modimo. Modimo o boletše bjalo, gomme seo se a e rarolla!

⁴⁶ Elang hloko, bjale, e ile ya mo tšea leeto la matšatši a mararo go tloga fao, ka dimmoula. Bjale ke kgona go sepela, ge ke be ke le ka patrole, ke be ke sepela dimaele tše masometharo letšatši le lengwe le le lengwe, go kgabola lešoka; gomme re be re na le maoto a patrole, go bolela ka mokgwa woo. Eupša bona banna, mokgwa o nnoši wa senamelwa sa bona, e be e le go namela tonki goba—goba go sepela. Gomme o ile leeto la matšatši a mararo go tloga fao a bego a le gona, gomme a emišetša mahlo a gagwe godimo, ntle ka lešokeng, gomme a bona thaba kgole le fao.

⁴⁷ O ile a tšea Isaka gomme a tlema diatla tša gagwe. Seo, ka moka re a tseba, ka go Genesi 22 fa, ke seswantšho sa Kriste. A mo hlalela godimo thabeng, a tlemilwe, bjalo ka Jesu ge a ile a hlalelwa godimo thabeng, Thaba ya Khalibari; seswantšho sa ge Modimo a neela Morwa wa Gagwe, ka nnete.

⁴⁸ Eupša ge ba fihla godimo kua, gomme o be a obamela, Isaka a thoma go ba le mokgwa wa go gonona. A re, “Tate, dikgong šedi, aletara še, mollo šo, eupša a sehlabelo se kae?”

⁴⁹ Gomme Abraham, seo a se tseba ka monaganong wa gagwe, go le bjalo Lentšu la Modimo le eme ka ntle kua, a re, “Morwa wa ka, Modimo o kgona go ipha sehlabelo ka Boyena.” O ile a bitša lefelo leo, “Jehofa-Jire.”

⁵⁰ Gomme ge a tlemile morwa wa gagwe, o be a obamela go iša lehung; o ile a mo robotša godimo ga aletara, a goga thipa go tšwa sekhwameng, gomme a thoma go tšea bophelo bja morwa wa gagwe mong. Gomme, ge a dirile, Selo se sengwe se ile sa swara seatla sa gagwe, gomme sa re, “Abraham, tloša seatla sa gago.”

⁵¹ Gomme ka nako yeo, kgapa ya lla, ka morago ga gagwe, e kgokilwe ka dinaka tša yona ka lešokeng.

⁵² A o kile wa nagana, kgapa yeo e be e etšwa kae? Elelwang, naga e tletše ditau le diphiri le diphukubje, le dibata tša go ja dinku. Gomme a o be a le morago bjang ka tllhabologo? Gomme, ka gona, godimo ntlhoreng ya thaba, fao go se nago meetse. Gomme o be a topile maswika, ka moka go dikologa, go dira aletara. Na kgapa yeo e be e etšwa kae? Le a bona?

53 Eupša e be e se pono. O ile a bolaya kgapa; e be e na le madi. A o ile a reng? “Modimo o kgona go ipha sehlabelo ka Boyena.”

54 O ya go tšwa bjang ka setulong seo? Ngwana *yola* wa mongetsana o ya go fola bjang, goba *wena* go tšwa setulong seo, *wena* go tšwa fao, *wena* le bothata bja pelo? Eng kapa eng e ka bago molato, “Modimo o kgona go ipha ka Boyena.”

55 Abraham o ile a e dumela. Mopatriaka o ile a dula e le wa therešo go tshephišo. Gomme O ile a fa tshephišo, gore, “Peu ya gago! Ka baka la gore o dumetše Lentšu la Ka, gomme go sa kgathalege gore maemo ke afe, peu ya gago e tla ba mong wa kgoro ya lenaba la yona.”

56 Ka baka la eng? Lenaba le lengwe le le lengwe le le tlogo, bjalo ka seswantšho, kgahlanong le Abraham, Abra- . . . Lenaba la, “O tšofetše kudu. Ke tšofetše kudu. Ka moka *se*, le se sengwe le se sengwe gape.” O be a sa no dula thwi ka therešo go tshephišo yeo.

57 Bjale, motho yo e lego mong wa tumelo yeo, o sa tlile go no tšea Lentšu la Modimo go sa kgathalege ka maemo. Bjale, ge o ka se kgone go dira seo, gona ga o Peu ya Abraham. Yeo ke tumelo yeo Abraham a bego a na le yona, Peu ya gagwe.

58 Tshephišo ya Abraham e be e le gore ya gagwe “Peu,” bjale Peu ya gagwe ya bogoši, le yona, bjalo ka ge ke le boditše lebaka la go feta. Gomme setswalelo se seo A se fago Abraham, e be e le setswalelo sa tshephišo. Gomme Peu ya bogoši, go ya ka Baefeso 4:30, ke “go tswallelwa ka Moya wo Mokgethwa,” ka morago ga ge ba emelane le moleko. Leka go nagana ka yona.

59 Ba bantši ba nagana gore ba na le Moya wo Mokgethwa. Ba bantši ba tleleima go ba le Moya wo Mokgethwa. Ba bantši ba kgona go laetša mabohlatse le maswao a wona. Eupša, go le bjalo, ge bo sa kgone go dula le Lentšu le, ga se Moya wo Mokgethwa. Le a bona?

60 O dumela Lentšu le lengwe le le lengwe, ka gona o a tswallelwa ka morago ga moleko. Ge re dumela tshephišo ye nngwe le ye nngwe ka Lentšung, gona re tswallelwa ka Moya, go tiiša tshephišo. Ke seo, seo ke se Abraham, tsela ye a se dirilego. Ka gona, gomme ka gona feela, re na le tokelo ya go ba mong wa kgoro ya lenaba la rena. O ka se kgone go e dira go fihla pele o eba Peu yeo. Elelwa, ka Beibeleng. . .

61 Ke boletše ka sona, ka Houston goba felotsoko, le lengwe. . . goba, ke ra Dallas. *Seka*.

62 Le a bona, mo—Mojuda o be a ka kgona go laetša, tlase ka Israele, gore o be a le Mojuda ka lebollo. Eupša Modimo o rile, “Ge Ke bona madi! Gomme madi e tla ba seka go lena.”

63 Bophelo bjo bo bego bo le mading bo be bo sa kgone go tla godimo ga morapedi, ka baka la gore, go lokile, e be e le bophelo bja phoofolo, e be e le morithi feela o etla go

Bophelo bja nnete. Ka gona, khemisitiri, madi ka bowona, a be a swanetše go ba a mahubedu godimo ga lemati le dikosene tša lemati.

⁶⁴ A dirišitšwe ka motšitla, wo e nogo go ba ngwang wo o tlwaelegilego, o laetša gore ga wa swanelwa go ba le tumelo ya godimo. O no swanelwa ke go ba le ye e swanago, tumelo ye o nago le yona, go swana le ge o dumiša koloi ya gago, o etla kerekeng. Le a bona? Batho ba bantši ba nagana gore ba swanetše go ba selo se sengwe. . . Eupša, aowa, aowa, seo ke phošo. Feela tumelo ye e tlwaelegilego ke yona o swanetšego go diriša Madi ka yona. Ekwa Lentšu, gomme o dumele Lentšu, Le diriše, seo ke ka moka. Go no kga ngwang kae kapa kae ka Palesetena, e be e le motšitla, e no ba ngwang wo monnyane o bego o mela ntle ka gare ga manga a maboto, le go dikologa, o karabeditšwe ka mading a bona gomme a bewa godimo ga dijakwana le dikosene tša lemati.

⁶⁵ Gomme, elelwang, ga ke tshwenyege gore e be e le ba bakae ka gare ga kgwerano, Mojuda o be a ka laetša ga kaakang gore o be a boloditšwe, gore e be e le motho wa go loka ga kaakang, kgwerano ka moka e be e khantshetšwe ntle le ge—ge seka se be se le fao. “Ge Ke bona madi,” a nnoši.

⁶⁶ Bjale, Madi bjale, Seka, ga se khemisitiri, khemisitiri ya Madi a Kriste, ka baka la gore A tšholotšwe dikete tša mengwaga tša go feta.

⁶⁷ Eupša, le a bona, fao go . . . swanetše go ba khemisitiri fao, bophelo ka go phoofolo bo be bo sa kgone go tla godimo ga motho, ka baka la gore bophelo bja phoofolo ga bo na le soulo. Phoofolo ga e tsebe go loka go tšwa go phošo. Ke motho yo a nago le soulo.

⁶⁸ Bjale, eupša ge Jesu, Morwa wa Modimo, motswalwa ke kgarebe, a tšholla Madi a Gagwe, Bophelo bjo bo bego bo le ka Mading e be e le Modimo ka Bobjona. Beibele e rile, “Re phološwa ka Bophelo, Madi a Modimo.” E sego madi a Mojuda, e sego madi a Montle; eupša Bophelo bja Modimo. Modimo o bopile sele ye ya Madi, tswalo ya kgarebe. Ga se a ke a tseba monna, le bile ga se a ke a . . . le bile lee ga se la ke le etšwa go yena.

⁶⁹ Ke a tseba ba bantši ba lena batho le nyaka go dumela gore lee le dirile. Lee le ka se be fao ntle le maikutlo, Modimo o be a ka dira eng gona? Le a bona?

⁷⁰ O bopile mmogo lee le sele ya Madi, gomme yeo e be e le tabarenekele ya Modimo, ye kgethwa. “Nka seke ka tlogela Mokgethwa wa Ka yo Motee a bona go bola.” Le bona fao lee le tšwago? “Le bile Nka se tlogele soulo ya Gagwe heleng.” Mmele wa Gagwe e be e le wo mokgethwa! Oo, nna! Ga o, ga o kgone go dumela seo, o ka ipitša bjang Mokriste?

⁷¹ “Re phološitšwe ke Madi a Modimo.” Fao ke mo tumelo ya ka e lego. E sego go sepela ntle kua ka mading a moporofeta, e sego go sepela ntle kua ka mading a monna yo a tlwaelegilego,

goba thitšhere, goba moithutamodimo. Re sepela kua ka Mading a Modimo. Modimo o boletše bjalo. O tlile a ba motho. O ile a fetola leši la Gagwe. O hlomile tente ya Gagwe fa, le rena, gomme ya ba yo mongwe wa rena. Ke Molopolodi wa rena wa Leloko. O ile a swanelwa ke go ba wa leloko la madi go rena, ka baka la gore woo e be e le molao. Modimo e bile monna gomme a dula magareng ga rena.

⁷² Elang hloko ka fao gore, ka go dira se, O tšwa go Yena, e be e le Modimo, Moya, gomme Moya woo o tla godimo ga modumedi. Ka fao, gomme Bophelo bjo bo bego bo le ka Sehlabelong sa rena, re amanywa ka Bophelo bjoo bo swanago.

⁷³ Ka gona ba ka bona bjang Bophelo bja Modimo bo sepela magareng ga batho, gomme ba Bo bitša gore ke selo se se sego sa hlweka, mola Bjoo e le boikamanyo bja rena le Sehlabelo sa rena? “Yo a dumelago go Nna, mediro ye Ke e dirago o tla e dira le yena.” Bophelo bja Gagwe bo boela godimo ga sehla-...go tšwa go Sehlabelo, bjalo ka ge re bea diatla tša rena godimo ga Sona gomme re ikamanya ka borena bjalo ka ba ba hwilego megopolong ya rena beng. Ka gona re ka dumelela bjang dikereke tša maina go re kgoromeletša ka go dithutotumelo le dilo, gomme ra re re a Se dumela? Re hwile go dilo tšeo.

⁷⁴ Paulo o rile, “Ga go le se setee sa dilo tše se se ntshwenyago,” ka gore o be a tlemeletšwe go gomangkanna, Kriste. Gomme phihlello ye nngwe le ye nngwe ya therešo e tlemeletšwe go gomangkanna, gomme gomangkanna ya ka ke Lentšu. Gomme yo mongwe le yo mongwe gape o, yo ka—yo ka nnete a tswetšwego ke Moya, gomangkanna ya bona ke Lentšu la Modimo. Ke tlemeletšwe go Lona. Ke beile diatla tša ka godimo ga Lona. Gomme Le tšere lefelo la ka, gomme ke ikamantše ka bonna le Yena. Re tsebile gore O tshephišitše go ikamanya le rena ka Boyena. Seo se tliša tumelo ya mmapale; e sego tumelo ya gago mong, eupša tumelo ya Gagwe; selo se sengwe se o sa se laolego. O a se dira. Ela hloko. Ka gona, gomme ka gona feela, ge... tshephišo e dirwa go wena.

⁷⁵ Ga go tshwenye gore o tšoenne dikereke tše kae, o kolobeditšwe ga kae; sefahlego pele, morago, tsela efe goba efe o nyakago. Go fihla Setswalelo se bewa godimo ga gago, gona ga o na le tokelo ya go ipitša ka bowena yo a kgomaganego le Sehlabelo sa gago.

⁷⁶ Gomme a Setswalelo sa Modimo ke eng? Baefeso 4:30, e re, “Le seke la nyamiša Moya wo Mokgethwa wa Modimo, wo le tswaleletšwego ka wona go fihla Letšatšing la topollo ya lena.” E sego go tloga go tšošetšo e tee go ya go ye nngwe, eupša le tswaleletšwe go ya ka Gosafelego go fihla Letšatšing le le tlogo go lopollelwa morago.

⁷⁷ Gomme, elelwang, ge o se wa ke wa ba ka megopolong ya Modimo, o ka se tsoge wa ba le Modimo. Ke ba bakae

ba ba tsebago gore E be e le Molopolodi? [Phuthego e re, "Amené."—Mor.] Go lokile, gona, eng kapa eng ye e lopolotšwego e swanetše go boela morago fao e welego go tšwa gona. Ka fao ge A etla go re lopolla, re be re ka kgona bjang, le gatee re be re se ra swanelwa go lopolla, re be ka moka "re belegetšwe sebeng, bao re kgoloketšwego bokgopong, re tšile lefaseng re bolela maaka"? Go laetša gore Mokriste wa nnete ke setšweletšwa sa monagano wa Modimo, pele fao go eba lefase, goba naledi, goba moya, goba eng kapa eng gape. Ke wa ka Gosafelego, gomme O tla go re lopolla morago. Ke mogopolo wa Modimo, o boletšwe go ba lentšu, wa dirwa go bonagatšwa gomme e le- . . . go tlišwa morago go kgopolo ya Gagwe.

⁷⁸ Molopolodi wa Leloko! Ke ka lebaka leo Modimo ka Boyena o ile a swanelwa ke go tla go ba yo mongwe wa rena, go lopolla. Ga go selo se sengwe gape se bego se ka kgona go e dira. Morongwa o be a ka se kgone go e dira, ga go selo gape. O ile a swanelwa ke go tla fase, a lekwa bjalo ka rena, go re lopolla.

⁷⁹ Elang hloko bjale peu ya tlhago ya Abraham. A re tšhekeng tše dingwe tša peu yeo ya tlhago, gomme re bone ge Modimo a ile a boloka Lentšu la Gagwe ka peu ya tlhago, yeo e bego e le Isaka. A re tšhekeng tše dingwe tša peu ya tlhago ye e ilego ya dumela tšhephišo ya go tlala ya Modimo gomme ya se be le potšišo. Bjale elelwang, fao go be go le dikete tše masome dikete di atišwa ka dikete ba ba boloditšwego le se sengwe le se sengwe gape, gomme go le bjalo e be e se Peu ya Abraham. Nnete, "Seo e lego Mojuda bokantle ga se Mojuda; seo e lego Mojuda bokagare." Ba, ba bantši ba bona, ba feitši, ba feitši ga bohloko.

⁸⁰ Lebelelang, ka lešokeng, ba rile, "Re. . ." Letšatši la Paseka, goba go nweng mothopong, Mokgethwa Johane 6. Ba be ka moka ba thabile.

⁸¹ Jesu o rile, "Ke nna Letlapa leo le le bego le le ka lešokeng. Ke nna Borotho bjo bo tlogo bo etšwa go Modimo, go tšwa Legodimong, ge motho a bo ja gomme ga a hwe."

⁸² Ba re, "Botatago rena ba jele manna lešokeng, lebaka la mengwaga ye masomenne."

A re, "Gomme ba, yo mongwe le yo mongwe, hwile."

⁸³ *Hwile*, tšea lentšu leo gomme o le kitimiše, o bone seo le se rago, "go arogana go ya ka Gosafelego." Go le bjalo, ba be ba le peu ya Abraham. *Lehu* le ra "karogano, go fediša, go fedišwa moka, go fediša." Jesu o rile ba be ba hwile, yo mongwe le yo mongwe wa bona, go le bjalo e be e le Bajuda ba ba boloditšwego.

⁸⁴ Le a bona, setšhaba sa go šokiša, feela ka baka la gore re Mamethodist, Mabaptist, Mapresbyterian, re na le boipolelo bjo bonnyane, le dilo tše bjalo ka tšeo; diabololo o dumela tlwa feela kudu ka fao re dirago.

⁸⁵ Eupša o swanetše go ikamanya le Lona. Modimo o swanetše go Le hlatsela go yona, ka go tswalela ka Moya wo Mokgethwa. Ga go potšišo ya Lentšu!

⁸⁶ Ge o re, “Go lokile, bjale, leo e be e le la letšatši le lengwe,” fao go na le selo se sengwe se fošagetšego.

⁸⁷ Go ka reng ge monna a ka tla a kitima, gomme o mmoditše gore seetša se be se kganya, gomme a kitima tlase go ya motheong, a re, “Ke no se gana. Ke no se gana. Fao ga go na le selo se se bjalo ka seetša. Ga ke se dumele?” Fao go tla be go le selo se sengwe se se fošagetšego ka monna yoo. O tla be a šešerekane tlišaologanyo. Ge a gana mahlasedi a sona a borutho le mothopo wa sona wa go fa bophelo, fao go na le selo se sengwe se se fošagetšego ka yena, tlišaologanyong.

⁸⁸ Gomme ge monna a bona Lentšu la Modimo, le dirilwe go ba pepeneneng pele ga gagwe, gomme le amantšwe, gomme ka gona a tswalela gomme a gogela digaretene tša kereke ya gagwe ya leina fase, fao go na le selo se sengwe se se fošagetšego ka monna yoo, semoyeng. Selo sengwe se fošagetše ka yena. Fao go na le selo se sengwe se fošagetše semoyeng. O no se kgone go Le amogela. “O fofetše, gomme ga a bo tsebe,” o ya Kahlolong, gomme Modimo e tla ba Moahlodi.

⁸⁹ Elang hloko ge ba—ba dirile se, gomme dipeu tše bjale tše di Le dumetšego, hlokomelang se se diregilegō. A re tšhekeng tše dingwe tša tšona bjale, peu ya Abraham.

⁹⁰ A re tšeeng bana ba Baheberu, ka baka la gore ba ile ba ema ka therešo gomme ga se ba ke ba kgotlelelana le bodiredi bja seswantšho. Ba ile ba gana go khunama fase go seswantšho se kgoši ya setšhaba a bego a se dirile. Se be se dirilwe e le sa monna yo mokgethwa, le sona, seswantšho sa Daniele.

⁹¹ Go laetša gore setšhaba sa Bantle se tlišitšwe ka gare ka fase ga lehlakore la maaka, la go direla seswantšho sa monna yo mokgethwa. Se ya ka ntle ka tsela ye e swanago, ge batho ba tla gapeletšwa go direla diswantšho tša batho. E tla ka kutollo, ya Daniele ge a kgonne go hlatholla Lentšu, le le bego le ngwadilwe godimo mongwalowaseatla godimo ga lebotō. Ke ka tsela yeo se tlogo ka gare, gomme yeo ke ka tsela ye se yego ka ntle, tsela ye e swanago, ya seswantšho sa Bantle.

⁹² Elang hloko, ba ganne go e dira. Gomme a ba dirile eng? Ba be ba le peu ya Abraham ba eme ka go rereša go Lentšu, gomme ba ile ba ba beng ba kgoro ya lenaba, ya mollo. Ba e dirile. Go lokile, Lentšu la Modimo ke therešo.

⁹³ Daniele, o ile a lekelwa go direla Modimo yo motee wa therešo. O ile a lekelwa seo. Gomme ka nako ya moleko, o ile a emelana le moleko. Gomme na Modimo o ile a dira eng, ka morago ga ge go be go bonala o ka re ditshetla di wela fase go yena, bjalo ka ge re ka bolela bjalo? Gomme ba be ba sa

tsebe gore ba ka dira eng. Ba be ba eya go mo leša tau. Eupša Daniele o ile a dula therešong go moleko, gore fao go na le Modimo yo motee wa therešo, gomme o ile a ba mong wa kgoro ya lenaba la gagwe. Modimo o ile a tswalela molomo wa tau.

⁹⁴ Moshe o ile a dula therešong go Lentšu le le tshephišitšwego, pele ga baekiši ba maaka, Jambres le Jannes, ka molekong. Lebelelang, Modimo o ile a kopana le yena, ka sa ka godimo ga tlhago, a mmotša gore a ye go dira dilo tše, a laetše maswao a, gomme leswao le lengwe le le lengwe le tla ba le lentšu. Moshe o ile a ya thwi tlase, ka therešo feela ka fao a bego a tseba. O ile a lahlela lepara fase, gomme la fetoga go ba serpente. A le tseba se se diregilego? Fa go tla baekiši gomme ba dira selo se se swanago.

⁹⁵ Bjale, Moshe ga se a ke a lahlela diatla tša gagwe godimo, a re, “Go lokile, ke a thanka ka moka e phošagetše.” O ile a dula fale gomme a letela Modimo. O ile a dula therešong. Go sa tshwenye gore go be go le baekiši ba bakae fao, o ile a dula therešong. Gomme ge a be a dutše therešong go thomo ya gagwe, go tliša batho bale go tšwa ka lefelong lela, ge kgoro ya meetse e etla tseleng ya gagwe, Modimo o ile a mo dira gore e be mong wa yona, gomme a bula kgoro ka Pilara ya Mollo ye e bego e mo etile pele. O ile a tšeela batho go ya nageng ya tshephišo.

⁹⁶ Joshua, moetapele yo mongwe yo mogolo. Ba babedi feela go tšwa go...ba ile ba ya nageng ya tshephišo, Joshua le Kalebe. Ba ile ba tla lefelong le le bego le bitšwa Kadese, leo e bego e le bogare bja lefase ka nako yeo, go no swana le ka fao leo e bego e le setulo sa kahlolo. Gomme, oo, ba ile ba roma ditlhodi tše lesomepedi go lebelela naga, gomme ba lesomepedi ba bona ba boa morago.

⁹⁷ Ba lesome ba bona ba re, “Oo, ke mošomo o montši kudu. Re ile ra no se kgone go o dira. Go lokile, bona batho, re bonala bjalo ka ditšie ka lehlakoreng la bona.”

⁹⁸ Eupša na Joshua o dirile eng? O ile a homotša batho. A re, “Emang motsotso. Re ka godimo ga go kgona go e tšea, ga go tshwenye gore re ba bannyane bjang, goba re ka lahlakoreng la ba ba sego nene.” Na o be a dira eng? O be a eme therešong go tshephišo yeo, “Ke le fa naga ye,” eupša le lwela intšhi ye nngwe le ye nngwe ya yona.

⁹⁹ A o dumela seo, mme? Modimo a go file pholo ya gago, eupša o tla lwela intšhi ye nngwe le ye nngwe ya yona. “Kae kapa kae fao dikgato tša maoto a lena di gatago, yeo Ke le fa yona bjalo ka ya lena.” *Dikgato tša leoto* di ra gore “mong.” Ka moka ke ya gago, tshephišo ye nngwe le ye nngwe ke ya gago, eupša o tla lwela intšhi ye nngwe le ye nngwe ya tsela ya go tsena bjale.

¹⁰⁰ Bjale, Joshua o tsebile se Modimo a se boletšego. O be a le peu ya Abraham. Le a bona? O rile, “Ke dumela seo, gore Modimo o re fa naga, gomme re ka godimo ga go kgona go e

tšea.” Gomme ka baka la gore a emelane le moleko, kgahlano le sehlopha sohle sa Baisiraele, ka moka meloko le ka moka batho ba ile ba sehumola gomme ba lla. Joshua a re, “Homolang! Modimo o dirile tshephišo.”

¹⁰¹ Ga go tshwenye gore o yo mogolo bjang, gomme kganetšo ke efe, gomme ngaka o reng, Modimo o fa tshephišo. Go tšwa go Modimo go e dira.

¹⁰² Na o dirile eng? Ge a etla tlase nokeng ya Jorodane, o ile a ba mong wa kgoro. Seo ke se a—a se dirilego.

¹⁰³ Jeriko, e tswaleletšwe bjalo ka pshinyaleraga ka legaping. Na o dirile eng? O ile a ba mong wa kgoro.

¹⁰⁴ Le letšatši le lengwe ge lenaba la gagwe le leka go mo tšea, o ile a ba mong wa kgoro ya lenaba la gagwe kudu gore a be a laele letšatši gore le eme. Gomme letšatši la mo obamela, gomme ga se la ke la retologa diiri tše masomepedi nne.

¹⁰⁵ Modimo o a rereša go tshephišo ya Gagwe, go sa tshwenye gore O swanetše go dira eng; go diitša Magodimo pele A be a ka dumela Lentšu la Gagwe le ye le fentšwe. Ga se a ke a dira tshephišo ye A ka se kgonego go e boloka. “Ke nna Morena yo a fodišago malwetši a lena ka moka. Ge ba bea diatla godimo ga balwetši, ba tla fola.” Amene. “Ge o ka kgona go dumela, dilo ka moka di a kgonega.”

¹⁰⁶ Joshua o ile a e dumela, le ge Modimo a ile a swanelwa ke go emiša lefase gore le seke la retologa. A le swara fao ka Maatla a a itšego, maatla a Gagwe Mong; gore lefase ga se la ke la retologa diiri tše masomepedi nne, go fihla ge Joshua a itefetša ka boyena godimo ga lenaba. O ile a tšea dikgoro. Ka nnete, o dirile. Modimo ke wa therešo ka mehla.

¹⁰⁷ Bjale ke duma ge nkabe re be re na le nako go ya go bagale ba bangwe, eupša ke na le metsotso ye e ka bago ye lesome bjale. Bonang, ka moka bagale ba bohlokwa ba, bjalo ka ge ba be ba le, gomme ba le mašole a magolo a tumelo, ka moka ba hwile kgorong ya lehu. Ba ile ba senyega, ntshe ga kgorong ya lehu.

¹⁰⁸ Ka gona mmogo gwa tla Peu ya Bogoši ya Abraham. Ka moka ba be ba le peu ya tlhago, go tšwa go Isaka. Eupša gwa tla Peu ya Bogoši ya Abraham, e bego e le Kriste, Peu ya Abraham ya tumelo; seo re swanetšego go ba, wena bona ge eba re goba aowa. Peu ya tlhago e be e le seswantšho. Bohle bao ba tswetšwe ka tswalo ya tlhago, eupša A tla ka tswalo ya kgarebe. Le a bona, e be e se wa peu ya Abraham, gona, Mojuda. O tlile ka peu ya tumelo ya tshephišo. Gomme, ka gona, re swanetše go ba bana ba Gagwe, ka Monna yo.

¹⁰⁹ Hlokomela se A se dirilego. Ge A be a le lefaseng, O fentše gomme ya ba mong wa kgoro ye nngwe le ye nngwe yeo lenaba le bego le na le yona; Peu ya Bogoši. O e tshephišitše ka Lentšu. O e fentše. O fentše kgoro ya bolwetši, bakeng sa rena. Seo ke se A tlogo go se dira. O, elelwang, batho ba ba babjago,

O fentše kgoro yeo. Ga le a swanela go e fenya; O e fentše. Banna ba bangwe ba swanetše ke go fenya kgoro ya bona beng. Eupša lena ga la swanela go fenya; e šetše e fentšwe. O fentše dikgoro tša bolwetši. Gomme na O dirile eng ge A be a fenya dikgoro tša bolwetši? A bolela gore O tla . . . Eng kapa eng ye le e kgopelago lefaseng, le eng kapa eng le e tlemilego lefaseng, O tla e tlema Legodimong, a re fa dinotlelo go ya kgorong.

¹¹⁰ O fentše kgoro ya moleko, ka Lentšu. Gomme dinotlelo e bile, “Emelanang le lenaba, gomme o tla tšhaba go tloga go lena.” O e fentše ka moka; o fentše bolwetši bjo bongwe le bjo bongwe.

¹¹¹ O fentše lehu, gomme O fentše hele. O fentše lehu le hele. O fentše seo ba bangwe ba sego ba kgona go se fenya, ka baka la gore ka moka ke peu ya tlhago. Ye ke Peu ya semoya. O fentše kgoro ya lebitla, gomme a tsoga ka letšatši la boraro, bakeng sa tokafatšo ya rena.

¹¹² “Gomme bjale re ba ba fetago le bafenyi.” Re no sepelela ka go yona, bjalo ka bohwa, “Ba ba fetago bafenyi.” Bjale re šogana le lenaba le le fentšwego. Bolwetši bo fentšwe. Lehu le fentšwe. Hele e fentšwe. Selo se sengwe le se sengwe se fentšwe. Oo, nna! Ke duma ge nkabe ke le leemo la ka gabedi, bjale mohlomong ke ikwela gabotse gabedi. Re phenkgišana le lenaba le le fentšwego.

¹¹³ Ga go makatše ge Paulo a kgonne gore, ge ba be ba aga poloko, go rema hlogo ya gagwe, o ile a re, “O lehu, lebola la gago le kae? Ntaetše fao nka kgonago go rarankgana le go goelela. Lebitla, phenyo ya gago e kae, o naganane gore o tla mpodiša ka kua? Ke tla go šupetša le letee le le bulegilego godimo fa; gomme ke ka go Yena, O tla ntsošetša godimo ka letšatši la bofelo.” Lenaba le le fentšwego!

¹¹⁴ Peu ya Bogoši ya Abraham! Bjale, peu ya tlhago e be e ka se kgone go šupa Seo. Eupša Peu ya Bogoši e kgona go fenya, e šetše e fentše, ka gore O ile pele ga rena gomme a re fenyetša kgoro ye nngwe le ye nngwe. Ke yena bjale, ka morago ga mengwaga ye dikete tše pedi, O eme magareng ga rena, Mofenyi yo maatla. Ga se A fenya feela bolwetši. . . O fentše bolwetši. O fentše moleko. O fentše lenaba ka moka. O fentše lehu. O fentše hele. O fentše lebitla, gomme a tsoga gape. Gomme mengwaga ye dikete tše pedi ka morago, šo O eme magareng ga rena, ka morago ga sekgalela se, a ikamanya ka Boyena, Mofenyi yo maatla! Amene. O sa le fa, o a phela, o hlatsela tshephišo ya Gagwe, Peu ya Bogoši ya Abraham! Oo, nna! Gomme lenaba le tla. . .

¹¹⁵ “O tla fenya dikgoro tša lenaba la gagwe.” Go bao, Peu, O eme fa o a phela gomme o iponagatša ka Boyena go mang? Dipeu tše di kgethetšwegopele di kgona go e bona. O fentše yeo. Yoo, ka morago ga moleko wa gagwe, wa tshephišo ya Lentšu, ba ile ba tswalellwa ka Moya wo Mokgethwa, ka

Mmeleng wa Kriste, go tiišetša (eng?) Baheberu 13:8 go ba bjalo. Ba tswalletšwe ka fao ka Moya wo Mokgethwa, Moya wo Mokgethwa wo o bego o le kgauswi. . . Abraham o ile a o bonela pele; ka tumelo a o dumela. Gomme bjale re a O amogela, re lebeletše morago go tshephišo ya se A se boletšego. Gomme Johane 14:12 e dirwa go tiišetšwa ka mo matšatšing a bofelo, ke Mofenyi yo a tsogilego, ka Boyena.

¹¹⁶ E sego tshepedišo ye e itšego; eupša Motho, Kriste, Mofenyi. E sego kereke ya ka, e sego kereke ya ka ya Mabaptist, goba Mapresbyterian a gago, Mamethodist, goba Mapentecost, e sego ka yeo; eupša ka Jesu Kriste. O a phela lehono. O tsogile bokagodimo ga seo, bakeng sa tokafatšo ya rena.

¹¹⁷ Gomme ka baka la gore O a phela, O rile re tla phela le rena. “Motho ga a phele ka borotho feela, eupša ka Lentšu le lengwe le le lengwe,” e sego karolo ya Lentšu, “Lentšu le lengwe le le lengwe le le tšwago molomong wa Modimo.” “Ke nna Tsogo le Bophelo. Yo a dumelago go Nna, le ge a be a hwile, eupša o tla phela. Mang kapa mang yo a phelago gomme a dumela go Nna a ka se tsoge a hwa. A o dumela se?” Tšea kgoro ya lenaba le lengwe le le lengwe!

¹¹⁸ A o be a fenya bjang Bosworth, ge Modimo. . . Bosworth o be a le ka go Mofenyi. Gomme ke ka lebaka leo a rilego, “Iri ya lethabothabothabo ya bophelo bja ka ke thwi bjale.” Uh-huh. O be a tseba Mofenyi yo Maatla yoo. Netefatšo ya gagwe e be e khutšitše le Yena. Oo, nna! Bjale re ka kgona go opela:

Go pheleng, O nthatile; go hweng, O
mphološitše;
Go bolokweng, O rwaletše dibe tša ka kgole;
Go tsogeng, O lokafaditše ka go lokologa go
ya go ile;
Letšatši le lengwe O a tla, O letšatši la letago!

¹¹⁹ Go bao ba bonagalago ba fentšwe. Eddy Perronet, ke a dumela e be e le yena, ga se a ke a kgona go rekiša dikoša tša gagwe tša Bokriste. Ga go le yo mongwe yo a bego a di nyaka. Di be di se na le selo go dira le yona. Oo, a fentšwe, gomme e le modumedi! Letšatši le lengwe, Moya wo Mokgethwa o ile wa tla godimo ga gagwe. Kgoro ya lenaba la gagwe, leo le bego le sa amogele sengwalwa sa gagwe! Moya o ile wa mo ratha, gomme a tlimarela pene, Modimo o ile a mo dira gore a ngwale koša ya go hlomamiša.

Ka moka phagamišang maatla a Leina la Jesu!
A nke Barongwa ba we ka go ikala;
Tlišang pele direto tša bogoši,
Gomme Mmeeng Morena wa bohle.

¹²⁰ Fanny Crosby wa sefoku, nako ye nngwe. O rile, “Na e ra go reng go wena?” Ba bangwe. . . Ga se a ke a rekiša ditokelo tša tswalo bjalo ka Mopentecost Elvis Presley, goba go swana

le ka fao church-of-Christ Boone a dirilego, goba go swana le ka fao Red Foley a dirilego, ba rekišeditše lefase ditalente tša bona; ba na le molokoloko wa Dicadillac, le milione wa ditolara, rekote tša gauta. Eupša Fanny Crosby o ile a dula therešong lefelong la gagwe. O ile a goellela ntle:

Se mphete, O Mophološi yo boleta,
Kwa sello sa ka sa go kokobela;
Ge O ntse o bitša ba bangwe,
Se mphete le nna.

Wena Moela wa khomotšo ya ka ka moka,
Go feta bophelo go nna,
Ke na le mang lefaseng ntle le Wena?
Goba mang Legodimong ge e se Wena?

121 Ba ile ba re, “Go ka reng ge o ka be o le sefofu ge o fihla Legodimong?”

A re, “Ke tla Mo tseba, le ge go le bjalo.”

Ba re, “O tla Mo tseba bjang?”

A re, “Ke tla Mo tseba.”

Ba re, “Mdi. Crosby, o be o ka kgona go dira ditolara tše milione.”

A re, “Ga ke nyake ditolara tše milione.”

122 “O tla Mo tseba bjang?” A re:

Ke tla Mo tseba, ke tla Mo tseba,
Gomme molopollwahlakoreng la Gagwe ke
tla ema;
Ke tla Mo tseba, ke tla Mo tseba.

123 “Ge nka se kgone go Mmona, ke tla phophola mabadi a sepekere ka diatleng tša Gagwe.” O ile a fenya kgoro ya lenaba la gagwe. Eye.

124 Ge o le ka go Kriste! O rile, “Ge le dula ka go Nna, gomme Mantšu a Ka a dula ka go lena; kgopelang senotlelo se le se nyakago, kgopelang kgoro ye le nyakago go e tšea; kgopelang se le se nyakago, gomme le tla se fiwa. Ge le dula ka go Nna, gomme Lentšu la Ka le dula ka go lena, le ka kgona go tšea kgoro ya lenaba lefe kapa lefe le le tlogo pele ga gago.” Ke lena Peu ya Abraham ya bogošī.

125 Ke mohuta mang wa kgoro ye e emego pele ga gago? Ge e le bolwetši, o yo a fetago le mofenyi go bjona. Gona re ka kgona gore, opela koša ye ya mogau wa kgale:

Tshephišo ye nngwe le ye nngwe ka Pukung
ke ya ka,
Tema ye nngwe le ye nngwe, temana ye nngwe
le ye nngwe. . . gomme ka fao ye Kgethwa,
Ke tshephetše go lerato la Gagwe le Lekgethwa,
Ka gore tshephišo ye nngwe le ye nngwe ka
Pukung ke ya ka.

126 Re ba ba fetago le mofenyi, gomme Peu ya Abraham e tla ba mong wa kgoro ya lenaba! Ge ba re Dilo tše di ka se kgone go direga, ge ba nyaka go E bitša diabolo, goba Beletsebubu, goba selo se sengwe gape, Modimo o na le bonnete go feny a kgoro ye nngwe le ye nngwe gomme a tšea lenaba.

A re rapeleng.

127 Morena, a nke Peu ya Abraham... ke a tseba ba tla Le bona, Morena. Lentšu lela le ka wa bjang ntle le go itia Mobu wola wa nnete? Ke a rapela gore ba tla kwišiša bjale. Anke motho yo mongwe le yo mongwe yo a tlogo mothalong wa thapelo a fodišwe.

128 Morena, ge go na le ba bangwe ka fa bjale, ba ba sego ba be ba dira boipolelo bja bona le bjale, ba se ba ema phatlalatša gomme ba emela Kriste, ba loketše go gana ka moka dithutotumelo le tša go tonya, tša go iketla, dilo tša go hwa tše di ba tšerego go tloga go Wena. Gomme a nke ba eme bjale, gomme ba re, “Ke tla Mo amogela bjalo ka Mophološi wa ka.” Gona O tla ba emela ka Letšatši leo.

129 Ge re sa na le dihlogo tša rena di inamišitšwe, ge fao go na le bao ba ka nyakago go ema lebakana feela, bakeng sa thapelo, ba re, “Ke nyaka go Mo emela bjale, gore O tla nkemela ka Letšatši leo, ka Bogoneng bja Gagwe bjo Bokgethwa.” Ke a go kgopela, gomme ke go fa sebakabotse gore leina la gago le bewe Pukung ya Bophelo, ge o ka ema. Ga ke go kgopele go tšoen a kereke ye e itšego. Ke go kgopela gore o tle go Kriste, ge o le fa gomme o sa Mo tsebe.

130 Modimo a go šegofatše, morwa. A go na le yo mongwe, a rego, “Ke—ke nyaka go ema bjale.” Modimo a go šegofatše, mohumagadi. Modimo a go šegofatše, kgaetšedi wa ka. “Ke nyaka...” Modimo a go šegofatše. Modimo a go šegofatše. “Ke tšea go ema ga ka, ka morago ga sekgalela se.” Batho ba bakaone ba, banna le basadi, ba ba emego, “Ke tla tšea go ema ga ka, ka morago ga sekgalela se.”

131 Gomme letšatši lela ge ngaka a re, “Go lokile, thulano; madi a gagwe a a tšhologa, lehu le godimo ga wa senna, goba godimo ga wa sesadi.” Goba, mosong wo mongwe, o tla elelwa go ema ga gago. O a Mo emela bjale.

132 “Ge o Ntšela ke dihlong pele ga motho, Ke tla go jele ke dihlong pele ga Tate wa Ka le Barongwa ba bakgethwa. Eupša ge o Mpolela pele ga motho, yena Ke tla mmolela pele ga Tate wa Ka le Barongwa ba bakgethwa.”

133 Modimo a go šegofatše, kgaetšedi wa ka. A go ka ba ba bangwe ka bophagamong felotsoko? Thwi bjale, ge re sa letile. Ba bangwe ba bona, bontši lebatong le legolo? Ka moka gabotse. Ke go tšea lentšung la gago, mogwera.

134 Ge Lentšu le wela Mobung wo o nonnego, bjalo ka mosadi yo monnyane sedibeng, o—o ile a kwišiša. O be a emetšwe Legodimong, go tloga go thew-...go tloga go theweng ga lefase. Ge Seetša se Le ratha, o ile a Le lemoga.

135 Modimo a go šegofatše, ngwanešu wa ka. Ye ke bogale. . . Modimo a go šegofatše, ngwanešu wa ka. O ka no ba o dirile dilo tše kgolo bophelong bja gago; o dira selo se segologologolo o kilego wa se dira, bjale, emela Kriste.

136 Tate wešu wa Legodimong, peu e wetše godimo ga mobu wo o itšego, morago ga sekgalela se. Re bona Bophelo bo tshelela godimo. Banna le basadi ba eme ka maoto a bona, gomme leihlo la Modimo le le bonago tšohle, yo E lego motlalagohle, motsebatšohle, mokgonatšohle, o a ba bona. Ke ba Gago, Tate. Ke ba neela go Wena bjale, bjalo ka mefapahlogo.

137 A nke boitemogelo bjo bja bona ge ba eme fale bjale, ba tsebe se ba se dirilego, ba tsebe gore se se ra go reng, gore ba ema go tšea go emela Morena ga bona le ba ba sego nene ba ba nyatšegago. A nke ba eme therešong go fihla Letšatši le ba ema ka Bogoneng bja Gago, nako yeo Lentšu lela le rategago le tla re, “Eye, letšatši le lengwe ka Baton Rouge, goba lefelong le le nnyane le le bitšwago Denham Springs, o eme pele ga Ka, Tate, bjale Ke tla mo emela wa senna, goba wa sesadi.” E fe, Morena. Ke ba Gago, go la Jesu Leina. Amene.

Modimo a le šegofatše, go ema ga lena. Modimo ka mehla. . .

138 Bjale ntireleng selo se setee se. Hwetšang, ge e ba le tikologong fao badiša ba ba lego gona, bona ba ba sego nene, bolela le bona. Ge o se wa ke wa kolobetšwa le bjale, ka kolobetšo ya Bokriste, dira bjale. Ipee ka bowena magareng ga badumedi bjale, badumedi ba nnete, e sego badumedi ba maitirelo; badumedi ba nnete.

Ge re sa rapela, a re rapeleleng disakatuku tše.

139 Tate wa Legodimong, disakatuku tše di ya ka ntle bjale; kae, ga ke tsebe. Mohlomongwe tate yo a itšego wa go tšofala wa sefotu a dutšego ntle fa ka dirorobjeng tše nnyane felotsoko, o letetše sakatuku se go tla; ngwana yo monnyane o robetše kua godimo ga mpete wa sepetlele; mme o eme, ka tlalele, o letetše go bowa ga sakatuku. Tate wa Legodimong, ke a rapela gore O tla ya le bona. Gomme bjalo ka seka sa Bogona bja Gago lehono, le tumelo ya rena ka go Wena bjalo ka ge re rerile Lentšu la Gago, a nke tumelo ye e bego e le ka go Abraham, le tumelo ye ya go tšweletšwa gomme ya fiwa rena ke Jesu Kriste, a nke e ye le disakatuku tše gomme e fodiše yo mongwe le yo mongwe yo se tla bewago godimo ga gagwe. Re a di romela, ka la Jesu Leina. Amene.

140 Bjale nakwana feela, pele re bitša mothalo wa thapelo. Makgonatšohle Modimo wa maatla, yo mogolo yo Motee,

yo Motee e lego go anela ka moka. . . Ka kgopelo, bagwera, ke—ke ya go thoma go rapelela balwetši, gomme ke. . . Go a kgonagala, ge re etla tlase, nka—nka no se fihle go bolela selo go lena; ba bangwe ba lena ba ka no tloga pele ga nako yeo. Eng kapa eng o lego yona, ge o se wa ke o no ema, nako ya go feta, gomme ga o na le nnete. . .

¹⁴¹ Ge o le leloko la kereke, seo ke selo se sebotse, eupša ga se se sebotse go lekanela. Le a bona, mmuši wa go huma yo moswa e be e le leloko la kereke. Le a bona? O ile a kgopela Jesu gore o be a ka dira eng go ba le Bophelo bjo Bosafelego. Ga se a ke a Bo amogela. O ile a sepela go tloga. E bile selo sa bošilo seo monna yo moswa yo a go se dira. O seke wa tšea lefelo la gagwe. Le gopola nako ya mafelelo ge a be a amanywa? Nako ye nnyane ka morago, o ile a atlega. O ile a ba mohumihumi. O ile a fihla lefelong go fihla bobolokelo bja gagwe bo phatloga. Eupša ka gona re hwetša boikamanyo bja gagwe bja mafelelo, ka heleng, dikgabo di tliša. O seke, o seke wa dumelela seo se direga go wena. Amogela Kriste.

¹⁴² Lena batho ba baswa, lena basetsana ba baswa, bašemane ba baswa, feela mo go fetogeng ga bophelo, ka kgopelo dirang seo. Nkweng, bjalo ka—bjalo ka ngwana wa bolena, yo a le ratago. Ke fa ka baka la gore ke a le rata. Ke rata Modimo, gomme ke a le rata, gomme nka se kgone go rata Modimo ge ke sa le rate.

¹⁴³ Ke rata go le bjalo, ge le be le na le tshwayo le nyakago go e fetiša, e fetišeng go morwa wa ka ntle kua, goba yo mongwe wa bana ba ka. A ke no. . . Ke, ke tla tloga ntle le yona. Motswadi yo mongwe le yo mongwe o tla dira seo; ka fao le Modimo o tla dira. Le a bona? Ratang batho ba Gagwe. Ratanang seng sa lena.

¹⁴⁴ Le re, “O ba omanyetša eng?” Lerato la mmapale le a phošolla.

¹⁴⁵ Ge ngwana wa gago a dutše ka ntle seterateng; o re, “Go lokile, fale go dutše Junior. Ga a swanela go dira seo, eupša ga ke nyake go gobatša maikutlo a gagwe a mannyane.” Ga o mo rate. O tla bolawa fale. Ge o mo rata, o tla mo tliša ka gare gomme wa mo phološa. O tla mo dira gore a obamele.

¹⁴⁶ Yeo ke ka tsela ye Modimo a dirago. Lerato le a phošolla, gomme leo ke lerato la mmapale.

¹⁴⁷ Ge moreri a ema gomme a dumelela lena basadi le ripa moriri, gomme le apara pente le dilo, gomme a sa le phošolle, fao ga go na le lerato la mmapale; gomme a ka se le biletše ntle. Gomme a le dumelela lena banna le nyala makga a mararo goba a mane, gomme le ka moka dilo tše dingwe tše, gomme le feta le sona, fao ga go lerato la mmapale fao. A le dumelela le tšoena kereke, gomme a le phaphatha ka magetleng, gomme a le kgamella ka thutotumelo ye e itšego, gona, “Seo ke se ka moka le

swanetšego go se dira, ke go tšoenā kereke ye kgethwa,” fao ga go na le lerato fao. Goba, e ka ba gore, monna o lahlegile ka go felela, ka boyena, ga a bone.

¹⁴⁸ Lerato la mmapale le a phošolla, gomme le go tliša morago go Lentšu la Modimo.

¹⁴⁹ Lebelelang Jesu, ka fao, seo A se boletšego, ka baka la gore O be a ba rata, kudu go fihla A ehwa lefelong la bona, ge ba be ba bile ba nyaka Madi a Gagwe.

¹⁵⁰ Bjale a nke Moya wo Mokgethwa wo mogolo... Ke nyaka go leta motsotso feela. Ke letile go fihla tlotšo ya Moya wo Mokgethwa e etla godimo ga ka, pele re ka thoma. Ke rerile. Ke le lebogela, tirišano ya lena.

¹⁵¹ Bjale, yo mongwe le yo mongwe fa, kae kapa kae fao o lego, kae kapa kae ka moagong, rapela motsotso feela, e re, “Morena Jesu, nthuše! Nthuše! A nke ke kgwathle seaparo sa Gago.” Jesu o rile, le a tseba, ge mosadi a kgwathle seaparo sa Gagwe, Ga se a ekwa, ka sebele, eupša O ile a retologa go dikologa gomme a tseba gore e be e le mang le se a se dirilego. Ke Jesu yo a swanago ka morago ga sekgalela fa, Moprista yo Mogolo yo a kgonago go kgwathwa ke dikwi tša mafokodi a rena.

¹⁵² A le a dumela, yo mongwe le yo mongwe wa lena bjale, gore ke therešo, gore Modimo yo a dirilego tshephišo ye, gatee gape (gomme a nke A e laetše) gore re phela matsatšing a Sodoma? Ke ba bakae ba ba dumelago seo, ka moagong, e no emišetša seatla sa gago godimo.

¹⁵³ Re a phela, bjalo ka ge go be go le bjalo, ka Sodoma. Tshepedišo yohle e tšhilafadišwe, tshepedišo ya lefase, selo se sengwe le se sengwe, tshepedišo ya kereke, tshepedišo ya dipolotiki. Fao ga go selo. Dipolotiki di senyegile kudu. Ditshepedišo, kae kapa kae, babušanoši ba rena, ka moka ke tshenyego. Kereke e tlile ka tsela ye e swanago. Malapa a bile ka tsela ye e swanago. E no ba tshenyego, Sodoma!

¹⁵⁴ Ka gona, elelwang, Modimo o hweditše seo pele ga lena, ka gona elelwang O boletše gore O tla ikemela ka Boyena ka nameng ya motho, le go tla go dira go swana le ka fao A dirilego pele ga Sodoma, pele Morwa yo a tshephišitšwego a be a ka tla lefelong la tiragalo. O tshephišitše go romela yo motee yo a tlogo go etapele Morwa yoo a tshephišitšwego, bjalo ka ge A dirile lefelong la pele, yo a tlogo go tsebatša; gomme O rile, “Ge Morwa wa motho a utollwa.”

¹⁵⁵ Ga ke go tsebe. Go lokile, Mohumagatšana Thompson, bothata bjoo bja sehumagadi le ditlhakahlakano, a o a dumela gore Modimo o tla go dira o loke? A o ka kgona go e dumela? O tla dira? Mohumagatšana, Mohumagatšana Thomas, o a dumela O tla go dira o loke? Emišetša diatla tša gago godimo, gona.

¹⁵⁶ Fao go na le mohumagadi o dutše thwi ka morago ga gago. O a rapela. O na le athirithisi.

157 Yo motee yo a dutšego thwi kgauswi le yena, ke bothata bja teng, le yena o a rapela. O ya go e foša, ge o sa hlokomele. Ga o tšwe fa. O tšwa Mississippi. Ke lena Mna. le Mdi. Stringer. Ge o dumela ka pelo ya gago ka moka, Jesu Kriste o tla go dira o loke. Ge o ka kgona go e dumela. A o a dira? Gona o ka kgona go e amogela. Ok. Emišetša diatla tša gago godimo gore batho ba tle ba bone gore ke wena.

158 Ga ke ba tsebe bona batho. Ga se kake ka ba bona, bophelong bja ka. O swanetše go dumela, mogwera. O ikamanya ka Boyena. A o dumela seo, ka pelo ya gago ka moka? [Phuthego e re, “Amene.”—Mor.]

159 Ke ka lebaka la eng o šišinya hlogo ya gago, mohlomphegi, gomme o ntebelela ka mogwa woo? Eye, mohlomphegi. Ka baka la gore o dirile seo, ke ya go bolela le wena motsotso. O mohuta wa mokgomana yo a tšofetšego o dutše thwi fa, o ntebeletše. O ntebeletše, ka tlhokofalo e bjalo. O a e dumela. O rapelela yo mongwe yo a bilego le setorouku. Eupša—eupša selo se segolo se o se rapelelago, o nyaka, o nyaka kolobetšo ya Moya wo Mokgethwa. Seo ke therešo. Uh-huh. Seo ke therešo. Ge o e dumela! Mohumagadi, o nyaka mošomo. Ntle le seo, gore o tle o tsebe gore ke nna moporofeta wa Modimo, goba mohlanka, o bile le diophareišene tše pedi. E go tlogetše o le mohuta wa go fokola. Ka moka mehuta ya maemo, bothata bja semoya. Ke nyaka go go botša gore ka moka di rarolotšwe. Tumelo ya gago e go dira o loke.

160 [Lefelo le le se nago selo godimo ga theipi—Mor.]... a dutšego thwi kgauswi le wena fao. O a rapela. Lebelela fa. O go kwele, gomme o Mo kgwathile. Ga ke go tsebe, eupša O a dira. Ke tla go botša se o bego o se rapelela. A o dumela ka pelo ya gago ka moka? O na le bothata bja sebudula, o a rapela. A o a dumela gore Modimo o tla go fodiša gomme a go dira o loke? Ke wena Mdi. Smith. Seo ke therešo. Emiša seatla sa gago.

161 Le a bona, O a ikamanya ka Boyena. Ke eng seo? Ke Peu ya Abraham, tumelo ye Abraham a bego a na le yona, Morena Jesu Kriste magareng ga rena, a tiišetša Lentšu la Gagwe, ka maswao ao a latelago.

162 Ke mang, ke dikarata tše kae tše di swanetšego go rapelelwa, emišang diatla tša lena, yo a nago le karata ya gagwe? Oo, bokaone re thome mothalo wa thapelo.

163 Le a bona, le a kwišiša a ga go bjalo? Bjale moya woo ga o no. . . Woo ga o fodiše. Woo feela o no Mo amanya le go ba fa. Badiša ba lena ba no ba le maatlataolo a go rapelela balwetši. Ga ba dire seo; aowa, ka nnete aowa. Eupša ba—eupša ba no ba le maatlataolo a a swanago, “Maswao a a tla latela badumedi.”

164 Bjale ke nyaka bagwera ba ka badiša fa. [Ngwanešu Branham o botšiša yo mongwe, “A go lokile go bitša go tšwa batheeletšing, badiredi?”—Mor.]

165 Ke ba bakae badiši fa ba ba dumelago ka pelo ya gago ka moka, badiredi ka fa, ba ba dumelago? Oo, ke a le leboga. Ke a makala ge eba le ka emelela? Etlang fa, emang le nna motsotso feela, thwi fase fa, rapelelang balwetši. Etlang thwi fase fa. Bjale bogelang phodišo e direga, bogelang se se diregago.

166 Ke nyaka gore le tle, dirang mo—mothalo wa go menagana gabedi thwi fa. Ke tla fase fao ka nakwana feela, go rapelela balwetši. Ke nyaka badiša ba ba dumelago ba ba nyakago go ikamanya ka bobona bjalo ka badumedi. Gore, le a dumela, gore go tla ga lena fa, le phela bjo bokgethwa, bja go hlweka bophelo. Elelwang, lebelelang fa se se tlogo ka ntle, se emetšego Ebangedi ya Kriste!

167 Ngwanešu Blair, ke a go tseba fao, wena goba Ngwanešu Pat. A le ka dira mothalo wola wa go menagana gabedi ka tsela ye ka mehla le dirago, ge le ka dira, wena le Ngwanešu Pat.

168 Badiša ba ba dumelago ba ba yago go dumela! Bjale, lebelelang, ge Modimo a kgona go ikamanya ka Boyena ka tsela ye ka Lentšu la Gagwe, le Lentšu la Gagwe, ke ba bakae ba ba tsebagore gore Beibele, Jesu o boletše se, “Maswao a a tla ba latela bona ba ba dumelago. Ge ba bea diatla tša bona godimo ga balwetši, ba tla fola?” Badiša, le tšile fa go ikamanya ka bolena bjalo ka badumedi. A le dirile? Le badumedi (a ga le bona?), nka be le se la ema fa. Bjale na Jesu o boletše eng? “Maswao a a tla ba latela bona ba ba dumelago.” Ke nna modumedi le lena.

169 Ke tla fase. Ba ke batho ba rena, gomme ke rena badiši godimo ga mohlape wo. Ke tla tlase go otlolla nnete le lena bjale, go bea diatla tša ka le tša lena. Gomme ge batho ba ba etla go feta, ge o na le eng kapa eng ye e nogo go ba ya kganetšo ka monaganong wa gago, e ntšhetše ntle thwi bjale; gore ge batho ba ba etla go feta, ka gona yo mongwe le yo mongwe wa bona a etla go feta, gomme re bea diatla godimo ga bona, ba tla fola. A o ka dumela ka pelo ya gago ka moka bjale, yo mongwe le yo mongwe? [Badiredi ba re, “Amene.”—Mor.]

170 Ke ba bakae ka fa ba ba yago go be ba rapelela ba bangwe ge ba feta go kgabola, emišetša seatla sa gago godimo, “Ke tla be ke rapela.”

171 Elelwa, e ka no ba e le tatago, mmago, morwediago goba morwa, kgaetšedi goba ngwaneno. Gomme ge e se wa gago, ke wa yo mongwe, yo a yago go tla go kgabola mothalo wo. Gomme go ka reng ge e be e le bona, gomme ba ehwa ka kankere, goba bolwetši bjo bošoro, a o be o ka se nyake banna gore ba hlokofale ka go teba? Ka nnete, re be re tla dira.

172 Bjale, ke a dumela, bjale le ya go. . . Bjale ba ka mothalong wo fa, mokgoba wo, gomme ba eme ka kua kgahlanong le lehlakore *lela*, ka karata ya thapelo. Emelang ka kua kgahlanong le lehlakore lela, ka moka ba ba lego ka karolong

ya la goja. Bjale, tsela, swarang lehlakore la ngele; re na le ka moka go pitlagane, le a bona, gomme ga o tsebe gore bjang, re ya go dira eng. Ka moka gabotse, ka moka ba ba lego ka lehlakoreng *le*, emang godimo *fa*. Bjale, ka moka ba ba lego ka lehlakoreng la seatla sa go ja, e nong go tla ka tsela ye, ka baka la gore le ya go tla fase, etlang go dikologa.

173 Gomme le ya bjang, ba ya go tšwela ntle bjang, Ngwanešu Borders? Thwi ntle ka mojako wa ka lehlakoreng, ba tle go dikologa gomme ka moagong gape.

174 Ka fao, ge lehlakore *le* le tla be le bitšwa, metsotsong e se mekae, gomme ba tla ema. Gomme a re boneng bjale se . . . Ka moka gabotse, bao ka lehlakoreng *le*, retologang ka lehlakoreng le godimo *fa*. Swarang dikarata tša lena tša thapelo, eyang godimo ka lehlakoreng *le*. Gomme lena ka bophagamong, sepelelang thwi go theoga go gahlana le bona mafelelong a mothaladi godimo fao. Bjale ba ka lehlakoreng le la seatla sa ngele, eyang godimo lehlakoreng la seatla sa ngele. Gomme ka gona, le a bona, le dira mothalo wa lena gomme le ya morago ka tsela *yela*; gomelang morago, gomang ka tsela *yela*. Le a bona? Gomme le tla latela mothaladi thwi go dikologa, ka gona re ka seke ra ba le tlhakahlakano ye e itšego le ka moka.

175 Gomme lena godimo ka bophagamong, enong go dira mafela a lena thwi ka go yona mekgobana, gomme enong go rothela thwi ka gare ge ba etla go kgabola.

176 Bjale, bjale enong go thoma go sepelela morago, yo mongwe le yo mongwe, sepelelang thwi morago go fihla le kopana le mothalo wo thwi go dikologa *fa*. Enong go tla thwi go dikologa, godimo ka *fa*, enong go thoma go sepela thwi go dikologa gomme le tle go mothalo wo thwi *fa*.

177 Oo, go ka kgona go direga eng thwi bjale! Go ka kgona go direga eng! Ye e ya go ba nako fao selo se sengwe se swanetšego go direga. Ka moka gabotse.

178 Bjale, seo se gabotse, eyang thwi morago go dikologa ka tsela *yeo*, gomme tsenang thwi ka mothalong, ka mokgwa woo. Eyang thwi go dikologa mokgobana woo. Yeo ke tsela bjale.

179 Gomme bjale ge le eme, yo mongwe le yo mongwe ka maoto a bona, re ya go neela thapelo. Gomme phuthego ye e ya go rapela le nna, gore le ya go dirwa gore le loke. Enong go ba le tumelo bjale. Gomme le seke . . .

180 Etlang thwi go dikologa, tsela morago ka morago, etlang thwi go dikologa gomme le tšoene ka gare le mothalo wo morago *fa*. Etlang go dikologa, dirang mothalo wo motee wo mogolo. Etlang thwi go dikologa ka tsela *yela*, gomme le dire mothalo wo motee. Wo ke wona.

181 Yo mongwe le yo mongwe e ba ka thapelong. Eba ka tumelong ka nnete bjale. E no go se ele hloko lešaba bjale.

Elelwang, re—re dikaneditšwe ke Bogona bja Jesu Kriste, go tšwa go rena go hlompha se A se dirilego magareng ga rena, ka go ba le tumelo Lentšung la Gagwe.

¹⁸² Seo se gabotse. Bjale se tla no ba gabotse. Ke nagana gore mothalo wola o tla ka gare ka go makatša bjale.

¹⁸³ Bjale ge ka moka ba eme, ke nyaka motho yo mongwe le yo mongwe bjale, ka moagong, go inamiša hlogo ya gago.

¹⁸⁴ Morena Jesu, e tla direga ka pela. Sephetho se swanetše go dirwa thwi bjale. A re a dumela gore O fa? A re a Go rata? A re na le tumelo, Morena, ya go lekanela se re yago go se kgopela? Batho ba ba ikamanya ka bobona ka go ema ka mothalong. Morena, a nke e seke ya ba ka lefeela. A nke e be, Morena, gore ba feta go kgabola fa, yo mongwe le yo mongwe o tla no feta bjalo ka ge eke o be a feta ka tlase ga Kriste, ka gore re a tseba gore O fa. Gomme re a rapela gore ba tla amogela phodišo ya bona. Gomme ke na le nnete gore dibekeng le dibekeng tše di tlogo, batho ba ba tla be ba eya go badiša ba bona, basadi ba ba bego ba na le bothata bja sesadi, bothata bja teng, banna le bothata bja proseteite, ka moka mehuta ya mathata, ba tla dirwa ba loke, ba re, “O a tseba, selo se nno ntlogela,” ka gore ba ka Bogoneng bja Gago. A nke ba tle go kgabola bjale gomme—gomme ba goge se seo O se hwetšago. Ke bona Peu ya Abraham, gomme O ba fenyeditše. A nke ba tle ba amogele se O ba filego sona.

¹⁸⁵ Gomme, Sathane, o ile wa senolwa kudu beke ye, go fihla o tseba gore o sephedi se se fentšwego. Jesu Kriste o go fentše Khalibari. O tsogile ka letšatši la boraro, bakeng sa tokafatšo ya rena, gomme O eme magareng ga rena bjale. Gomme tumelo ya rena e lebeletše go Yena, gomme go tloga go wena goba eng kapa eng ye o e dirilego. Tlogela batho ba, Leineng la Jesu Kriste.

¹⁸⁶ [Ngwanešu Branham le badiredi ba bea diatla godimo ga balwetši gomme ba rapelela yo mongwe le yo mongwe ka mothalong wa thapelo. Lefelo le le se nago selo godimo ga theipi—Mor.] . . . ? . . .


¹⁸⁷ Re dirile feela ka fao Mong a re laetšego go dira. Ke ba bakae ba lena ba ba tlilego go kgabola mothalo wola, ba ba dumelago gore le ya go loka, emišetša seatla sa gago godimo. Ke tšoenana sa ka le lena.

¹⁸⁸ Se re bego re se dira fale, mafelelong, bjalo ka sehlopha sa badiredi fao; ba bantši ba bona ba be ba babja, ke be ke tseba, eupša ba be ba leka go bea pele matsapa a bona go tliša phuthego ya bona ka gare, ba tsena ka gare goba aowa. Bao ke badiši ba mmapale. Gomme Moya wo Mokgethwa o rile go nna, “Ba dire gore le bona ba tšoenne diatla mongwe le mongwe.” Re tlemagantše dipelo tša rena le dinnete mmogo, le dithapelo tša rena, mmogo.

¹⁸⁹ Jesu, ba dire ba loke, le bona. Gomme ba dire badiši ba ba tiilego, ba ba tiilego Lentšung la Morena.

¹⁹⁰ A nke Modimo, baena ba ka, a nke A le fe dikganyogo tša pelo ya lena. A nke le Mo direleng matšatši ka moka, gomme le be le maatla a Modimo ka maphelong a lena, go direla sehlopha se sekaone se sa batho. A nke Jesu Kriste, Yo a bilego le rena, gomme yo a nago le rena nako ka moka, a nke A itire ka Boyena go bonagala kudu go lena go feta ka fao A kilego a ba pele.

¹⁹¹ Lena batho, ba bangwe ba lena bao ba bego ba golofetše, le ka no se bone phapano lebakanyana, le ka no se bone phapano. Lebelelang se Abraham a se dirilego. Ga se dire phapano ye e itšego ya eng; seo ga se le se lebeletšego. Ga o lebelele dika tša gago. Lebelela se A se boletšego. Ge o re, “Ke sa kwa bohloko,” bjoo ga bo na le selo go dira le yona. O dirile se Modimo a rilego se dire. Le a bona, o seke wa lebelela seo. Lebelela se A se boletšego. Modimo o rile go be go le bjalo! Ke a se dumela. A ga le dire? [Phuthego e re, “Amene.”—Mor.] Ka pelo ya ka ka moka, ke a e dumela.

¹⁹² Morena Modimo a le šegofatše go fihla ke le bona gape. Dithapelo tša ka ke tša lena; bošego ga bo be leswiswi kudu, pula ga e ne ga kudu. Ke tla be ke le rapelela. Le nthapelele. Go fihla re kopana gape, Modimo a le šegofatše. Bjale ngwanešu yo a dišago, le a bona. 

GO BA MONG WA KGORO YA LENABA KA MORAGO GA TEKO NST64-0322
(Possessing The Gate Of The Enemy After Trial)

Molaetša wo ka Ngwanešu William Marrion Branham, mathomong o abilwe ka Seisemane ka Lamorena ka morago ga sekgalela, Matšhe 22, 1964, ka Denham Springs High School ka Denham Springs, Louisiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org